

各位評判先生、各位先進大家午安大家好。

今日雙人來到這，不是要來喝玲瓏賣物件、不是欲來宣傳政策賺名聲，只是欲來開噴剖豆「阮兮青春美夢」予大家聽。

B：我阿爸常常跟我講「做人要有思想呷主張」，問我大漢以後欲做啥？

A：最近學校上課兮時陣，嘛有講著人生的生涯規劃，啊你大漢以後敢有想欲做啥？

B：講著這個話題，我就想起細漢兮時陣，蓋流行兮一首歌，

A：什麼歌…，你唱予我聽

B：那按呢你「目珠別乎金 耳孔挖乎清 腳尾移乎在在在」

A：好啊，啊不是要相打出招，毋免這工夫啦

B：按呢我要唱囉！（清嗓）

阮爸爸嫌阮 攞不會煮吃

阮媽媽念阮 讀書赫呢懶惰

手機玩呷 功課常常無寫

阮只是一個十幾歲愛作夢的查某囡仔娘娘

A：哦…我知啊，你想欲做歌星

B：哎哟，難怪你平常就頭腦精光、話語會通、走路有風，一眼就看出我兮明星氣質，算你有眼光

A：「自己褒較未臭腥」，亦沒想說自己是「狗聲乞丐喉」，你唱歌時低音的親像唸經應鼓吹；高音若親像在吹狗螺，人在說演藝界是「一聲蔭九材，無聲你就毋免來」，這途你沒合啦（不符合）

B：蛤…。我沒合哦？若沒，我嘛會凍上舞台去表演跳舞啊，你看我曼妙兮

舞步（動作），氣質兮尅仔頭（指臉蛋）

A：嘆……你那不是曼妙兮舞步，是沈動兮腳步，來 來 你來 ，你看嘜
筋骨鬆軟才是練舞兮奇才。攔再說過來，講著尅仔頭，別人是「前扣金
後扣銀，雙屏扣頭做夫人」，我看你是「前扣衰 後扣狼狽， 雙屏扣
厝邊頭尾相欠債」

B：哎哎哎！你真愛呷我吐槽，啊無…你是有什麼未來夢想啊？

A：人我以後欲做國寶啊

B：是一個月領三千多元的那種國保嗎，按呢太少不夠用啦

A：講你「臭耳人賢翻話」你攔不信，不是勞保 農保 健保彼種社會保
險，是成就受人重視 國家級的人間活寶……

B：什麼啊，你「食無三把薤菜，就想欲上西天」、「路草沒熟攔想欲舉頭
旗」

A：人講男兒自細就要立志

B：可惜你是一個女嬌兒

A：今嘛是男女平權兮時代，
欲要尊重人兮意志才應該
女性運匠嘛袂標
查甫兮護士嘛做得來。

B：按呢講起來雖然有道理
若沒目標只是空嘴薄舌
尚驚講甲規畚箕
正經欲做無一湯匙

A：若這你著免懷疑
咱佇人文社區在企起
真濟國寶作品予咱觀示
欲找出阮兮興趣 是「桌上捏柑」真容易….

B：你百面心內早就有按算

啊是有高人指點要向何方

有什麼門路通好鑽

嘛紹介予我這個麻吉兮 才袂枉費咱是同學企同庄

A：講給你識，喺鬚通打結

咱鹿港賢人這呢濟，你加減嘛要識幾落個(兮)

錫器師傅陳萬能

將歹銅舊錫 開創新運用

藝術水準是全國尚界槍

護法神將做到栩栩如生

B：哦……

這個師傅若是拜得著，較贏九斗換一石

我若是會凍叫伊一聲師，一定逐日笑哈哈

A：獅？ 有哦有哦，

獅頭達人 施順榮

伊有一手好本領

不管你是欲台灣獅、廣東獅、一隻喺笑到離哂哂

B：喂！不要黑白講

A：作品喜氣好看擱實用

獅目珠眨眨凝 兼裝 LED 燈

B：哇啊…… 這件功夫真引人注目呢

A：木， 想欲做木， 你住巷仔內， 內行兮
咱這有木雕國寶李秉圭
得獎的作品是歸大堆
爸仔囡雙人都有名氣
家族仔 做木雕已經超過一百年
若噴著松林仙仔 是無人不知

B：不過我這呢幼秀，可能不適合這兮工作，這刻柴哦，太硬啦

A：燈！ 你真正賢選
嘟嘟好咱鹿港也有在做鼓仔燈
全國出名吳敦厚燈舖
燈面彩畫兮技術是全台獨步
只要認真學習 吃苦當做吃補
別日仔出師 一定賺錢賺呷變成大富戶

B：啊我不就會凍 鼓仔燈賣會出去，錢賺得進來， 逐工大發財

A：嘿啦！嘿啦 就是這個意思

B：不過我有時陣粗腳重蹄，這種細膩的工作那呢濟，
學這我親像在舉枷

A：你真奇怪呢，逐項就嘜用
真正是「暗時驚鬼 透早驚露水，中午出門擱驚日頭曝到共欲死」
若講著七逃 吃物件 ，你親像武松打虎
現在叫你學工夫就親像桃花過渡

這樣 是欲安怎 找著興趣呷 好頭路……

B：好啊啦，你沒聽過人在講「歹瓜多子 歹人多話語」

我知樣麻吉你是好意

但是「好風水未比得好喺水」

A：有樣啦，「魚吃流水 人食喺水」

我會多講一些好聽又不會跳針兮金言玉語。

B：啊你認真紹介這濟款

不知你呷意那一項

來成就你一生兮青春美夢

A：像我這種「重情重義重人情味、愛鄉愛土愛講古」的個性

尚適合做導遊帶人體驗咱鹿港的風情

若你咧？恁阿爸阿母不是對你期望真高

B：嘿啊！他們都不知啊「嚴官府出厚賊，嚴父母出阿里不達」

我予他逼呷 只能會凍認真將書讀

毋才暫時亦沒想法

A：原來是安呢，我也有一段歌欲唱分你聽

B：好啊好啊 我就斟酌聽

A：（調寄『你著忍耐』）踏出社會為著將來，出業認真走天涯

雖然世局變這呢快，阮兮美夢並無請裁

無論黑手亦 AI，只要打拼攞袂嘍

同：做事業・找頭路，興趣要想看覓，人生才精彩。（結束）

A+B：多謝大家